

中國地方志集成

雲南府縣志輯 ⑥0



宣統楚雄縣志(二)

鳳凰出版社 ● 上海書店 ● 巴蜀書社

宣統楚雄縣志(二)

(清)

崇謙
沈宗舜
纂修



楚雄縣志述輯卷之六

武備述輯

學組豆者本宗伯之禮樂以修文習軍旅者本司馬之干戈以尚武文武兼備為治之要圖也楚縣昔為雜蠻所踞繼為蒙鄭趙楊段所轄竭爭蠻觸卑不足紀自元明迄於國朝列為版圖置鎮將以衛民設營標以戡亂邇來英法相繼入滇立教設埠繪圖開車外之憂患懸於睫眉內之經營實形掣肘則武備之不可一日不亟講也因述戎事一兵制二考募三

傳二未卷三

實地學祖國在漸之下下一日不而散四國起海軍一兵
人其立地故舉會國開東代之事其後全類亦內之通
國際西海圖置縣計以漸乃其營縣以應廣而衆英其附
縣其著陳縣縣所詳故年其縣年不其自天即其
又以出左文左余開其之要圖以發其普其縣其
學其立者本宗山之對其以竹文皆軍其本其其之
海國圖志

欽定四庫全書

戎事

書考莊躋畧地常頓通道武鄉侯平蠻史萬歲南征兵事
之著於簡冊亦多矣獨楚縣一無可考至唐天寶淪於南
詔歷宋元明以迄

國朝漸入紀載因倣編年體例而彙述之以為後之覽戎事者
有所稽考云

唐

元宗天寶七年地淪南詔蒙氏閣羅鳳與張虔陀構隙以兵
逐雜蠻據楚川而守之楚州即楚雄德宗建中初南詔隆

舜徙姚州銀生節度治威楚則地為銀生節度治所舊志

按楚雄自此始有地名可攷

宋

徽宗政和元年段氏和譽立命相國高泰明討三十七蠻部

平之楚雄為白虎部宣和元年蠻部復叛襲侯爵高明清

戰死

元

憲宗三年平大理至楚雄改威楚路以高泰祥之後高長壽

為威楚路萬戶長壽以武畧平諸部首隸威楚

文宗至順元年諸王禿堅叛遣伯忽率叛軍襲楚知事董文彥不屈死之

順帝至正二十三年大理總管行省平章段功大破明玉珍之師於呂閣驛

玉珍隨州人由楚率紅巾兵入川以軍威定蜀至正二十三年玉珍自將紅巾三萬攻雲南梁王及憲司官奔楚雄州郡悉亂功謀於員外楊淵海占之吉乃由大理率兵進攻呂閣敗紅巾於閔灘江斬獲無算紅巾收餘燼再戰功復勝紅巾毛古山寺功夜縱火焚寺紅巾大亂死者極多

又追至迴燈關大敗之紅巾大呼曰得明年來復仇時功
在戰間得玉珍母書云汝征雲南務要得之軍餉不繼我
必接濟淵海效其書迹易之曰中國兵來爾宜早歸募能
入紅巾者賞書往有小卒陳惠願行玉珍得書恐國中有
變收軍回功追至七星關又勝之而還

明

洪武十五年西平侯沐英以明師定楚二十一年楚川土司
思倫叛遣其屬刀思郎率衆三十萬象百隻寇定邊沐英
選銳鋒三萬由楚雄鎮南之南鄉追兵更番迭戰翼以砲

鏡象奔賊大敗初沐英鎮滇知羣蠻不靖自楚鎮遠景東
每百里置一營駐兵屯糧以備之故民無供億之苦

嘉靖八年武定鳳氏作亂困省其黨蔓延廣通燒殺楚大恐
知府祝宏舒與邑紳俞沛義激兵憲周公留北勝兵同楚
兵堵禦郡城雖曰被兵幸而保全免其殺戮

崇禎十七年甲申之次年乙酉武定土知州吾必奎自阿迷
賣陣後桀驁日甚知北都亡於是年反連陷武定祿豐楚
雄諸郡縣時金滄道副使楊畏知奉調監軍復楚九月會
土官祿永命土知州龍在田軍擒必奎誅之又有奉調在

省之阿迷土同知沙定洲於十二月反而戍夏西攻楚雄
不下破鎮南大理蒙化屠之撤兵回竭力攻楚楚城堅壁
清野守具俱集一日畏知坐城樓可望發巨礮擊之賊謂
畏知必死須臾煙散畏知端坐又出奇以殺賊賊引去東
攻永命在田軍定洲既定迤東復於丁亥春引兵西攻楚
雄環城立柵為久困計畏知得指揮游擊王承憲訓導郭
對舉人杜天楨沅江土司那篤等協助戰守益堅閱八月
終不能入時蜀賊張獻忠敗亡其義子孫可望入黔隨入
滇屠戮各處定洲聞知恐巢穴有失撤兵而去可望分遣

李廷國徇迤東諸郡自率兵西上畏知禦於祿豐啟明橋
兵敗被執可望聞其名喜曰吾與公同鄉今後與公輔明
無他志畏知曰果爾當從我三事一不用獻偽號二不可
殺百姓三不淫擄婦女可望許之折箭對誓迤西九府免
屠戮之慘畏知之力也

按前明二百八十年間征革石瓦寨征麓川緬甸征沅
江沱魁等役我楚兵民忠勇死難者以年遠無名可稽

國朝康熙二十年秋七月官軍敗偽總兵馬寶於呂閣驛

寶字城璧秦人也驍勇善戰以功授總兵鎮楚雄康熙十

二年從逆藩吳三桂反自貴州還滇據尋甸統大軍紮

省我撫軍大將軍公圖海招降送京

聖祖欲宥之迫於言者與耿精忠磔於市

按馬寶事諸書所載不同據劉健廣聞錄云官軍敗寶於呂閣寶走姚安提督桑格招之降師範滇擊云一
衆西奔官軍敗寶於天城故誘云馬到天城人自散
走彌渡匿於阿紫魯矣姓家以捕急自詣軍門降又傳
聞錄云寶名龍錦州人隨吳三桂守山海關追派寇李
自成出山西又隨三桂入滇以功授總兵鎮楚雄反後
據楚部下將士敗於天城楚援絕統軍提督桑格與書
曰不降屠楚矣寶曰我反我死於百姓何與出城就戮
械京伏誅此與無名氏錄大同
小異諸書各異姑述之以俟考

雍正十年征普洱蠻頭山楚兵奉調陣亡千總曹廷棟等一

百二十三人

乾隆三十四年征緬甸楚兵奉調陣亡把總聶聯登周室輔

等一百四十五人

四十年征四川楚兵奉調陣亡千總馬芳等五十二人

六十年征黔楚兵奉調陣亡千總馬有功何亮胡世雄等

二百一十七人

嘉慶元年征黔楚兵奉調陣亡千總速得貴等九十六人

二年征興義楚兵奉調陣亡千總馬有名等八十四人

二年征四川楚兵奉調陣亡把總薩德芳高立等四十三人

三年征四川楚兵奉調陣亡千總王士賢等一百三十九人

四年征四川楚兵奉調陣亡把總李丕榮等五十五人

六年征四川楚兵奉調陣亡四十七人

二十一年征貴州楚兵奉調陣亡千總朱芬李兆瑞等九十

三人

二十三年征臨安楚兵奉調陣亡九十二人

道光元年征永北大姚楚兵奉調陣亡六十八人

十二年征川貴楚兵奉調陣亡把總何慶雲等五十九人

二十九年征姚州彌渡順甯回匪楚兵奉調陣亡三十四人

咸豐二年征廣西楚兵奉調陣亡守備曹大勇千總姜彬馬

世績等一百五十九人

以上奉調專用營兵以下專用鄉團練勇

三年十一月征本城外民東界小東村游匪楚兵勇陣亡二百七十八人

是年春南安州屬馬龍廠石羊廠大旺回人與臨安人爭窩路尖子互鬪入楚縣境搶掠地方文武官招游民隨兵
往剿敗績

四年二月石羊廠臨人回人各聚眾相戕回匪蔓延楚境燒殺肆行無忌官不能制六月夷匪首魯貫石踞前後河哨

劫擄官紳齊圍堵剿

五年征三街大逆能擒土豪蕭士善械楚伏誅楚鄉團陣亡
四十六人

土棍蕭士善先於道光二十八年糾眾作亂捕擊省獄
逃歸仍劫擄為生為鎮南土官陳宜坤緝獲其党魯賈石
殺宜坤弟兄而奪之站一街三街搶擄楚鎮鄉團合圍擒
士善械楚斬之賈石竄姚州

八月知府崔紹中左袒回人斥臨人為倣匪助曰練剿之回
勢大熾十二月十三日回首馬銑馬四善率回党燒殺琶